



高邑縣志

卷三



高邑縣志卷六

人物

邑志之載人物體例如史之例傳顧史傳褒貶備書邑志惟詳懿美蓋其中寓隱惡揚善之意焉義固各有取也鄙名著春秋封壤最古乃漢晉以前人材闕如南北朝後稍稍可紀至唐頗稱盛焉及宋又復無聞豈地靈固有時興廢與將文獻無徵遂卽於湮沒與自明迄今科第相望文章事業卓然可傳者蓋不乏人爰據觀聞詳爲綜覈邦之人當亦有聞風興起者夫


高邑縣志

卷六

一

南北朝

哇夸少耽書傳未嘗以世務經心浩然物表年三十遭父喪鬚髮變白每一悲哭聞者爲之流涕高尙不仕寄情邱壑少與崔浩爲莫逆交浩爲司徒奏徵爲中郎辭疾不赴州郡逼遣不得已入都與浩相見延留數日惟飲酒談敘平生不及勢利浩每欲論屈之竟不能發一言後遂投詔書於夸懷亦不開口浩慮夸卽還以其驟內廐中夸遂謬托鄉



人御車出關以去經年浩送還夸騾兼贈以所乘馬爲書以謝夸更不受其騾馬亦不復書及浩爲魏太武帝所誅夸爲之素服受鄉人弔唁經時乃止或謂夸曰吾聞有大才者必居貴仕于何獨在桑榆乎著知命論以釋之祀鄉賢

李稚廉一曰幼廉行梁鄭州事義深弟也兄弟七人多有學尙稚廉有介性爲兒童時初不從家人有所求請嘗故以金寶授之終不取強委之輒擲於地州牧以其蒙稚而廉故曰稚廉聰明好學十五

高邑縣志

卷六

二

頗尋覽五經章句任北齊歷數州所至有聲爲瀛州長吏高祖行經冀部總合河北六州文籍商較戶口增損親自部分事緒非一稚廉每應立成莫不雅合深旨爲諸州準的和士開權重百僚盡傾禮稚廉高揖而已出爲南青州刺史主簿徐乾富而暴橫歷諸牧不能制稚廉初至郡卽收繫之乾密通疏奉黃金百錠奴婢二十人不受殺之後爲太僕寺卿大司農加驃騎大將軍卒贈儀同三司吏部尙書祀鄉賢

李正藻明敏有才幹父鸞除爲北齊壽陽道行臺左丞陷於陳正藻時爲開府行參軍判集書省事便謝病解職居處若在喪之禮人士稱之入隨開皇中愬尙書工部員外郎卒於宜州長史一曰使淮南死於盜

隨

李雄

北史作子雄

字毗盧祖榼

北史作秀林小名榼

魏太中大夫父

徽伯

北史作裔字徽伯

齊陝州刺史陷於周雄因隨軍

長安少慷慨有大志家世並以學業自通雄獨習

高邑縣志

卷六

三

騎射其兄子且讓之曰棄文尙武非士大夫之素業雄答曰竊覽自古誠臣貴士文武不備而能濟其功業者鮮矣雄雖不敏頗觀前志但不守章句耳旣文且武兄何病焉子且無以應之周太祖時釋禍輔國將軍從達奚武平漢中定興州又討汾州叛胡錄前後功拜驃騎大將軍儀同三司閔帝受禪進爵爲公遷小寶部其後復從達奚武與齊人戰於芒山諸軍大敗雄所領獨全武帝時從陳玉純迎后於突厥進爵奚伯拜硤州刺史數歲徵

爲本府中大夫尋出爲涼州總管長史從滕王迺
破吐谷渾於青海以功加上儀同宣帝嗣位從軍
總管韋孝寬略定淮南雄以輕騎數百至破口說
下十餘城拜豪州刺史隨高祖總百揆徵司會中
大夫以淮南之功加位上開府及受禪拜鴻臚卿
進爵高都郡公食邑二千戶後數年晉王廣出鎮
并州以雄爲河北行臺兵部尙書上謂雄曰吾兒
旣少更事未多以卿兼文武材今推誠相委吾無
北顧之憂矣雄頓首而言曰陛下不以臣不肖寄
高邑縣志

卷上

四

臣以重任臣雖愚固心非木石謹當竭誠郊命以
答鴻恩獻歔流涕上慰諭而遣之雄當官正直侃
然有不可犯之色王甚敬憚吏民稱焉歲餘卒於
官子公挺嗣祀鄉賢

唐

李素立正藻子武德初擢監察御史民有犯法不及
死者高祖欲殺之素立諫曰三尺法天下所共有
一動搖則人無以措手足方大業經始奈何輦轂
下先棄刑書乎帝嘉納由是恩顧特異以親喪解

官起授七品清要有司擬雍州司戶參軍帝曰要
而不清復擬秘書郎帝曰清而不要乃授侍御史
貞觀中轉揚州大都督府司馬初突厥鐵勒部內
附卽其地爲瀚海都護府詔素立領之於是闕泥
孰別部數梗邊素立以不足用兵遣使諭降夷人
感其惠牽馬牛以獻素立止受酒一柸歸其餘乃
開屯田立署次虜益畏威歷太僕鴻臚卿累封高
邑縣侯出爲綿州刺史永徽初徙蒲州將行還所
餘儲糶并什器於州齋家書就道會卒高宗特廢

高邑縣志

卷上 人物

五

朝一日謚曰平祀鄉賢子休烈休烈子至遠從遠
李至遠始名鵬其祖素立方奉使謂家人曰古有待
事名子者吾此役可命子孫矣遂改今名少秀悟
能治尚書左氏春秋未見杜預釋例而作編記大
趣畧同復撰周書起后稷至赧爲傳紀合狐德棻
許其良史始調蒲州參軍累補乾封尉上元間制
策高第授明堂主簿以喪解官旣除調鴻臚主簿
奏戎狄簿領高宗悅擢監察御史裏行忤貴倖外
遷久乃厯司勳吏部員外郎中遷天官侍郎知選

事疾令史受賄多所緝易吏肅然斂手有王忠老
被放吏謬書其姓爲士欲擬訖增成之至遠曰調
者三萬無士姓此必王忠吏叩頭服罪至遠之知
選以內史李昭德進人或勸其徃謝答曰公以公
用我奈何欲謝以私卒不詣故昭德銜之出爲壁
州刺史卒年四十八至遠父休烈亦有文終鄴縣
令年四十九世歎其父子才不盡云至遠見桓彥
範力言其賢盧從愿尙少高以評目許弟從遠且
貴豫言其位以驗所至蘇頲其出也少失母至遠

高邑縣志

卷六

六

愛視甚謹以女妻之友兄弟事寡姊有禮世稱其
德子畬

李畬字玉田少聰警初歷汜水主簿遇事鋒銳雖厮
豎一閱輒記姓名居業黜陟使露敬潛薦其清白
擢右臺監察御史裏行臺廢授監察御史累轉國
子司業事母謹累世同居長幼有禮畬妻物故時
母病恐悲傷約家人無以哭聞母所朝夕省侍無
憂色母終毀而卒

李巖從遠子從遠清密有學神龍初歷中書令太府

卿封趙郡公謚曰懿巖年十餘歲會中宗祀明堂以近從子弟執籩豆巖進止中禮授右宗衛兵曹參軍歷洛陽尉累遷兵部郎中發扶風兵應姚嵩稱旨遷諫議大夫封贊皇縣伯終兵部侍郎巖善草隸爲參軍時製一裘服終身

李承畚之第二子幼孤其兄畚養之既長以悌聞擢明經高第遷累大理評事爲河南採訪使判官尹子奇陷汴州拘承送洛陽覘得賊謀皆密啟諸朝兩京平例貶臨川尉不三月除德清令尋擢監察

高邑縣志

卷六

人物

七

御史累遷吏部郎中淮南西道黜陟使奏置常豐堰於楚州以禦海潮旣屯田瘠鹵收常十倍他歲德宗將討梁崇義李希烈揣知之乃表崇義遇惡請先誅討帝悅數對左右稱其忠會承使回言希烈能立功然恐後不可制帝初謂不然及崇義平希烈果叛始思其言擢拜河中尹晉絳觀察使承廉正有雅望以才顯於時未幾改山南東道節度使時希烈猶據襄州帝慮不受命欲以禁兵衛送承承辭請以單騎入旣至希烈舍承外館迫脅日

萬端承宴然誓以死守希烈不能屈遂大掠去襄
漢蕩然承輯綏撫安之居二年闔境完復初希烈
雖去留部校守覩往來踵舍承因得任所厚臧叔
雅結希烈腹心周曾王玠姚憺及曾等謀殺希烈
承首謀也密詔褒美尋檢校工部尚書湖南觀察
使建中四年卒年六十二贈吏部尚書子藩

李藩字叔翰少沈清有檢局姿制閎美敏於學居父
喪家本饒財姻屬來弔有持去者未嘗問益務施
與居數年皆盡年四十餘困廣陵間不自振妻子

高邑縣志

卷六

人物

八

追咎藩宴如也杜亞居守東都表致府中亞嘗疑
牙將合狐運爲盜掠服之藩爭不從輒去後果獲
真盜稍知名徐州張建封辟節度府未嘗察苛細
建封卒濠州刺史杜兼疾驅至陰有覘望藩泣謂
曰公今喪君宜謹守土何棄而來宜速還否則以
法劾君兼錯忤去恨之因誣奏建封死藩撼其軍
有非望德宗怒密詔徐泗節度使杜佑殺之佑雅
器藩得詔十日不發召見藩曰世謂生死報應驗
乎藩曰殆然曰審若此君宜遇事無恐因出詔示

藩藩色不變曰信乎杜兼之報也佑曰慎無畏吾
以闔門保君矣帝未之信亟追藩既入帝望其狀
貌曰是豈作亂人邪釋之拜祕書郎時王紹得君
邀藩與相見當卽用終不詣王仲舒與同舍郎韋
成李呂洞日置酒邀賓客相樂慕藩名疆致之仲
舒等爲俳說廋語以相狎昵藩一見謝不往曰吾
與終日不曉所語何哉後仲舒等果坐斤廢憲宗
爲皇太子王紹避太子諱始改名時議以爲詔藩
曰自古故事由不識體之人敗之不可復正雖紹

高邑縣志

卷六

人物

九

何誅累擢吏部郎中坐小累左授著作郎再遷給
事中制有不便就勅尾批卻之史驚請聯他紙藩
曰聯紙是牒豈曰勅邪裴洎白憲宗謂藩有宰相
器會鄭綯罷因拜門下侍郎同中書門下平章事
藩忠謹好醜必言帝以爲無隱嘗問前世所以家
給或國匱乏者何致而然及祈禳之數藩對儉則
足用敦本則百姓富反是則匱又言孔子病止子
路之禱漢文帝每祭勅有司敬而不祈使神無知
則不能降福有知固不可私已求媚而悅之也且

義於人者和於神人乃神之主入安而福至帝悅
曰當與公等上下相勗以保此言後復問神仙長
年事藩知帝且有所惑極陳荒妄謾誕不可信後
入柳泌等語果爲累云河東節度使王鏐賂權近
求兼宰相密詔中書門下曰鏐可兼宰相藩遽取
筆滅宰相字署其左曰不可還奏之宰相權德輿
失色曰有不可應別爲奏可以筆塗詔邪藩曰勢
迫矣出今日便不可止旣而事得寢李吉甫復相
藩頗沮止會吳少陽襲淮西節度吉甫已見帝潛

高邑縣志

卷六

人物

十

欲中藩卽奏曰道逢中人假卽節與吳少陽臣爲
陛下恨之常變色不平翌日罷藩爲太子詹事後
數月帝復思藩召對殿中事寢釋明年爲華州刺
史未行卒年五十八贈戶部尙書謚曰貞簡藩材
能不及韋貫之裴垟然人物清整是其流亞云

元

李思明初遊丞相西曹掾爲壽福院都事歷工戶二
部主事刑部員外郎御史臺都事遼陽行省郎中
山東道廉訪副使遂爲兵部侍郎質實自信未嘗

矜智飾名居官臨事毅然有守丞相倒刺沙當國
思明與之忤會御史封章言天下水旱民貧皆樞
相不能調變所致倒刺沙入言御史誣詆大臣惑
亂朝政遂以臺臣損益御史封章奏聞爲罪思明
自劾已責於臺臣無與辯氣奮激聞者聳然

明

許容字伯昂禮部郎中容先長子性剛直無他好刻
志問學攻苦茹淡卒成其業元季侍父居京師臣
儒碩德成踵門求友由是才名日盛元外戚中書

高邑縣志

卷六 人物

七

平章燕古兒招致賓席時太師脫脫總兵討淮寇
燕古兒爲裨將以容爲輔兵潰獨燕古兒全師還
容之力也洪武初以李思齊薦召對稱旨拜監察
御史卒祀鄉賢子琮中洪武丙子鄉試永樂間登
進士任臨朐知縣擢監察御史

董珪任湘潭驛丞母劉氏卒廬於墓側三年正德六
年有司具奏旌表其間祀忠孝祠

劉瑜兄弟皆誠實樸樸同知瑜任郟縣訓

哀毀同廬墓側三年鄉人稱其孝祀忠孝祠

郭淳字子美號鄙陽中嘉靖壬午鄉試任新安知縣
歲饑多方請賑邑有巨猾恣睢甚寘之法以母憂
去起授輝縣開稻田引水利膏腴遍野百姓歌之
後以事罷歸生平苦心篤行矩步繩趨事母至孝
教二弟洪澤俱以明經爲縣尹澤先卒以已生贖
葬之而自改卜與鄉人言無大小皆以禮建宗祠
舉時祭一遵朱子家禮而力行之族人婚喪有不
能舉者隨力濟之嘗訓子弟以戒貪戒淫易簣時
高邑縣志

卷六 人物

主

猶諄諄不置後進每樂道其緒言云

郭澤號涉涯拔貢生任大興縣主簿大興在京兆最
劇而簿司錢穀尤煩瑣不易理澤以能稱有巨盜
某服旨督捕不得上官以屬澤遂就擒秩滿考上
上擢恩縣知縣縣志載其才識通明長於治賦宿
蠹頓革焉

岳凌霜字子肅性簡淡好學嘉靖辛酉舉於鄉乙丑
成進士初授池州府推官進表入賀僨屬贖餽皆
不受行遇盜曰我進表官無中藏也盜發篋視之

圖書數卷而已遂解去丁母憂服除補萊州府推官晉戶曹典天津倉事往時倉糧有積羨者皆隱不報凌霜至悉以其數具報大司農以廉擢陝西甘州副使巡撫議題帑金數萬增馬價凌霜曰今國家物力強半輸於疆場一邊議增九邊效之前人既增後誰復滅之端不可開內擢苑馬寺卿巡撫以前議相左謂不宜邊吏疏彈之遂歸不俟終日餘有薪俸之資不顧也代者曰此朝廷所以養廉者奈何遺之遣官遂之理家居後布衣蔬食讀

高邑縣志

卷六

人物

三

書作易解不問門外事撫按累牘薦或因勸曰如不惜一刺達長安貴人公卿宜可得也凌霜曰吾少而爲義豈老而違之哉於是入山深絕蹟城市者三十餘年邑令仰其高風屢造門不得一見卒年九十三

郭九貢字獻夫號欽齋恩縣令澤之子以諸生入貲遊成均卒業而歸築書舍於南郭之陽羣宗族親戚諸生之有志者講學會文其中而饗殮之邑士之貧者時時周給族人夢熊者幼孤收而活之

之娶阜平一男子攜家過城南母死九貢助之葬
不問姓名鄉人王國周避吏逃其妻子繫獄爲請
於官釋之若此非一後以貲仕爲兩淮鹽運司經
歷鹽運故稱膏腴獨潔清自矢一無染指以病歸
卒年六十二子霆字公肅早歲爲諸生遭父喪致
衰盡物無所憾事繼母孝悉以腴產讓其二弟濡
濡曰弟幼不能治生也其周急極危一如其父亦
設義塾以教童蒙之貧者又修徐家河等橋以濟
病涉卒年四十四趙忠毅公皆志其墓焉

高邑縣志

卷六

人物

高

趙南星字夢白號儕鶴父汝弼以歲貢爲館陶知縣
南星中隆慶庚午鄉試萬曆二年進士除汝寧推
官治行廉平稍遷戶部主事張居正寢疾朝士羣
禱南星與顧憲成姜士昌戒勿往居正沒調吏部
考功引疾歸起歷文選員外郎疏陳天下四大害
朝論趨之而中所抨擊悉時相所庇於是給事中
李春開起而駁之其疏先下南星幾獲譴給事中
王繼光史孟麟萬自約部曹姜士昌吳正志並助

南星詆春開且發吳時來詹仰庇黃洪憲等讒諂

狀春開氣沮然南星卒以病歸再起歷考功郎中
二十一年大計京官與尚書孫鑑乘公澄汰首黜
所新都給事中王三餘及鑑甥文選員外郎呂應
昌他附麗政府及大學士趙志臯弟皆不免政府
大不堪給事中劉道隆因劾吏部議留拾遺庶僚
非法得旨南星等專權植黨貶三官俄因李世達
等疏救斥南星爲民後論救者悉被譴讎亦去位
一時善類幾空南星里居名益高與鄒元標顧憲
成海內擬之三君中外論薦者百十疏卒不起光

高邑縣志

卷六

人物

五

宗立起太常少卿俄改右通政進太常卿至則擢
工部右侍郎居數月拜左都御史慨然以整齊天
下爲任天啟三年大計京官以故給事中元詩教
趙興邦官應震吳亮嗣先朝給黨亂政議黜之吏
科都給事中魏應嘉力持不可南星著四凶論卒
與考功郎程正已置四人不謹他所澄汰一如爲
考功時浙江巡按張素養薦部內人材及姚宗文
邵輔忠劉廷元南昌劾其謬素養坐奪俸先是巡

方者有提薦之例南星已奏止之而陝西高宏圖

山西徐揚先宣大李思啟河東劉大受復暉行如
故南星並劾奏之巡方者始知畏法尋代張問達
爲吏部尙書當是時人務奔競苞苴恣行言路橫
尤甚每文選郎出輒邀之半道爲人求官不得則
加以惡聲或逐之去選郎卽公正無如何尙書亦
太息而已南星素疾其弊銳意澄清獨行已志政
府及中貴亦不得有所干請諸人憚其剛嚴不敢
犯有給事爲貲郎求鹽運司卽注貲郎王府而出
給事於外知縣石三畏素貧貲緣將行取南星亦

高邑縣志

卷六 人物

六

置之王府時進士無爲王官者南星不恤也魏忠
賢雅重之嘗於帝前稱其征事一曰遣娣子傅應
星介一中書贊見南星麾之去嘗並坐宏政門選
通政司參議正色語忠賢曰主上冲齡我輩內外
臣子宜各努力爲善忠賢默然怒形於色大學士
魏廣微南星友允貞子也素以通家子畜之廣微
入內閣嘗三至南星門拒勿見又嘗歎曰見泉無
子見泉允貞別號也廣微恨刺骨與忠賢比而齟
南星東林勢盛衆正盈朝南星益搜舉遺佚布之

七齡驚怖死南星。以所處之怡然莊烈帝登極
有詔赦還巡撫牟志夔忠賢黨也故遲遣之竟卒
於戍所崇禎初贈太子太保諡忠毅南星素精舉
業爲諸生時每一藝出人爭傳誦其他詩古文詞
亦然著有文集若干卷目錄載藝文祀鄉賢

郭實字華伯輝縣令淳之孫鄖陵簿九疇之子也中
萬厯壬午科鄉試癸未成進士授陝西朝邑知縣
朝椽吏舞文魚肉人狡宥相望實至以次論如法
故事賦輸積受而納諸怒因賤其羨爲恒實曰是

高邑縣志

卷六

人物

九

海攘也因與賦長約若納若出令第治若不手錢
穀也父老時至輒詢里中瘼瘡戶口而私籍之由
是徭役如手劑訟者造庭片言而決興學育才表
章節義文治彬彬乎埒鄒魯焉治朝五年召爲廣
西道御史已念父老移疾歸明年補河南道因抗
疏論伐倭事爲憾者中以阻撓激上怒謫爲懷仁
典史繼擢刑部主事尋改吏部命不下竟落籍歸
旣歸產簿食指衆又時時行德則入田至饑粥不
具嘗賦詩曰日出三竿借米錢厨中誼道突無烟

蓋紀實也歸田垂二十年至己酉始赴南京刑部
主事晉尚寶司少卿再晉大理寺丞比推左僉都
御史不報時使晉藩過里遂移疾尚書屢趣終不
應客或謂朝廷懸節鉞望君而觀隄守斯達蒿何
笑曰珪爵上爲政邁軸士爲政且貧者士之常也
自是閉闕謝客曰惟治田課園或集子姓輩說禮
稱詩融融然樂也與同邑趙南星締姻好東林黨
禍起爲南星株連者半海內實以醇謹用晦獨不
與時比之申屠蟠云生平修幹揭膺淵渟嶽立性
高邑縣志

卷六 人物

辛

慷慨振飭不可稍干以私而溫善煦人常著方寸
地說大指謂人惟心心從善苑枯延促勿問也其
卒也寧晉孫恭憲昌齡爲之志云

李五倫字慎之號北濱幼而秀骨清顏以奇童稱十
二爲諸生爲文深醇爾推每督學校士輒冠其曹
能爲古文辭諸生從遊者甚衆邑令劉沐延教其
子甚加禮重趙州秦姓者有人命之獄求倫控解
約厚爲謝倫峻却之然劉令固心知其枉他日與
倫語偶及之或私告秦復來加謝欲令慈惠之倫

笑曰昨劉侯已言之矣豈覺也哉秋闈凡十一試
不就以歲貢謁選得河間府訓導太守修火神廟
成屬記於教諭教諭私求倫代之太守大加稱賞
審出於倫延與語大奇之臺使者再薦擢國子學
錄值戊子鄉試大司成較選諸生文可入彀者屬
令甲乙倫取王衡第一張文柱次之及揭曉如所
定二載遷南陽府通判署新野篆滌舊政之煩苛
徵收甚平積羨千金悉以貯庫寶豐令號循飭而
直指不悅授意於倫鈎致其短倫報以無所聞以

高邑縣志

卷六 人物

三

是失直指意疏論調簡得萊州府署卽墨篆值大
饑所賑救全活甚衆以繼母憂去服除補東昌僅
八月病卒於官囊橐蕭然無以斂太守檄諸屬賻
之乃得歸祀鄉賢子標核

孫僑萬歷間生員母王氏卒廬墓三年每飯必祭有
司舉其孝巡按御史馬逢臯奏闡旌表其門祀忠

孝祠

李標字汝立號建霞年十五補弟子員師同邑趙吉

星中萬歷癸卯鄉試丁未成進士改庶吉士授

討泰昌時累遷少詹事天啟中擢拜禮部右侍郎
協理詹事府以師南星爲羣小所忌列名東林同
志錄中標懼禍引疾歸莊烈帝嗣位卽家拜禮部
尚書兼東閣大學士崇禎元年三月入朝未幾李
國樞來宗道楊景辰相繼去標遂爲首輔帝銳意
圖治恒召大臣面決庶政宣府巡撫李養沖疏言
旗慰往來如織躋蹟難憑且慮費無所出帝以示
標等曰邊情危急遣旗尉偵探奈何以爲僞且祖
宗朝設立嚴備奚爲者標對曰事固宜慎養沖以

高邑縣志

卷六 人物

三

爲不賂恐毀言日至賂之則物力難勝耳帝默然
同官劉鴻訓以增勅事爲御史吳玉所糾帝欲寘
鴻訓於法標力辨其納賄之誣温體仁許錢謙益
引已結浙闈事爲詞給事中章允儒廷駁之帝怒
并謙益將重譴又欲罪給事中瞿式耜御史房可
壯等標言陛下處分謙益允儒本因體仁言體仁
乃不安求罷乞陛下念謙益事經恩詔姑令回籍
於允儒仍許自新而式耜等槩從薄罰諸臣安體
仁亦安帝不從自是深疑朝臣有黨標等遂不得

行其志是冬韓贛還朝標讓爲首輔尋與贛等定
逆案三年正月贛罷標復爲首輔累加至少保兼
太子太保戶部尚書武英殿大學士先是與標並
相者六人宗道景辰以附當斥鴻訓以增勅戊周
道登錢龍錫被攻去獨標在遂五疏乞休至三月
得請於陛辭疏中言門戶之禍已歷四朝借朝廷
之耳目快自己之肺腸人才盡而國勢隨之士大
夫宜各捐方隅之私聖明力持涇渭之辨抵里謝
疏言焦勞已至宜節精神明作既行並示惇大詔

高邑縣志

卷六

人物

三

皆深切時弊嗣是林居者十餘年日於寄園校讐
典籍引掖後進族里有急時調卹之甲申春避流
寇之亂南渡聞都城不守舊君死社稷憂憤成疾
卒贈少傅諡文節蔭一子尚寶丞子祭葬祀鄉賢

按明史云標家居
六年卒此據舊志

李核字汝質標之弟少不喜爲舉子業人問之曰吾
非求名利者學此何爲能古文詩詞風格灑然出
塵生平喜客嗜酒吟風弄月以終其身人以仙目

之

李名世字子文居邑之北鄙足迹不入城市幼習舉
子業有聲食餼於庠甲子鄉試本房擬第一卷爲
主司所擯弗售庚申選貢督學使者已取將填榜
復爲大力者負之而趨名世澹如也以歲貢授文
安縣學博與諸生講肄所尚者性命宗旨不屑屑
帖括間未幾拂袖歸結茅蓋頂繩牀布被作詩歌
以抒志多樂天安命之詞素精醫及地理然皆不
以此見年過七十視聽益聰明夜談至四十刻不
倦家貧早晚粥一盂歲歉益之以糠覈自號糠粥
高邑縣志

卷六

人物

七

先生栢鄉魏文毅喬介爲之傳

郭宜直中崇禎丙子科鄉試授海豐知縣爲政剛直
不撓而於窮黎獨加意撫卹官生某暴橫一方無
敢忤其勢者宜直白之上官寘於法闔邑快之

王嗣昌字德遠貧而嗜學事繼母孝邑令薛向陽嘉
其品誼聘爲塾師中崇禎丙子科鄉試初任汧陽
知縣時當兵燹之後遺黎存者僅百家嗣昌招徠
撫綏流散復聚賀珍之變城多不守嗣昌防禦有
方卒保無虞丁父憂服除補候官知縣課士恤民

治績稱最擢粵西通判以母喪遂不復仕

郭毓秀貢生授堂邑知縣質弱如不勝衣而遇事詳審有爲健吏無過者擢延安神木同知時值姜瓖之變秦晉搖動人情多向背邊將某壤之黨也以利害恐毓秀毓秀毅然不爲動卒潔身解職歸里人嘉其有守焉

本朝

李鵬程順治元年恩貢授延安清間知縣縣距米脂不遠爲流寇李自成巢穴民懼寇氛多竄伏巖谷

高邑縣志

卷六

人物

五

間鵬程至多方欽輯稍復城市又置社學於南郭月給庖廩於是富商貧士皆知向學所造士登甲乙榜者踵起已東臨黃河境內多大山田瘠民貧鵬程加意撫卹不二載邑稍起矣轉臨洮郡丞丁逆猗米喇邱之變畫籌軍需夜理簿書上官倚爲左右手事平以老疾告歸優游林下者十有餘年卒年八十一

趙悅學明家宰南星之孫以廕選武安知縣青年彊幹銳於爲始諸務畢舉時官兵駐鄴軍需繁劇有

司多畏蕙不前悅學獨毅然任之供應力辦滿漢
悉器重爲大盜宋謙高武安之無棘村悅學夜半
率役突馳抵其地謙黨與悉就擒獨窩主高芝漏
網芝踪跡詭秘造蜚語以誣悅學途挂彈章後事
卒得雪解綬歸里

郭霽順洽間貢生任祁縣知縣祁素稱疲尤以荒地
累薄力請蠲除流散始復業田賦無逋者捐俸修
學宮爲紳衿倡官養驛馬芻豆不以累民民便之
均里甲徭役稱平清倉糧二千餘石用備軍需直
高邑縣志

卷六 人物

五

指以精明註考治邑十年擢行人抵里以疾不起
爲人忠厚謙冲里中稱長者云

李滌字伯清號禹門臨洮郡丞鵬程之子也中順治
辛卯鄉試有異才精醫術著身經通考行世設爲
問答闢軒岐之粵旨任滋陽知縣因事謫戍關東
以醫術濟人有仁聲關外稱爲關西神人有商於
鄙者輒詣其里居叩首致祝焉

王謙字受益號吉齋中康熙庚午鄉試教授生徒每
接見衣冠必具坐立有常處未嘗以寒暑異每邑

今至投謁外一無干請令瞿佩常語人曰王君非
公不至真今之減明矣晚謁選得貴州銅仁知縣
爲民興利除弊舊有漁戶例供魚數千斤爲減至
四百銅民至今德之銅俗好訟兩造皆有陋規名
鋪鋪堂銀其踏勘田地則曰過山禮謙槩絕不受
淡泊清苦晏如也聽斷詞訟畢予感應篇人一本
曰爾曹當無不好善訟非善事也第存心遜讓可
耳政簡刑清案無留牘每集諸生月課具饌延疑
親爲講授文風大振出入不令呵呼驢從二人所

高邑縣志

卷六 人物

七

至若不知有長吏者庚子充本省鄉試同考官所
拔皆知名士因老告歸士民遮道祖送居官七載
篋衍蕭然優游林下年八十八無疾而終子振曾
歲貢生振世癸卯聯捷進士任湘鄉知縣建義學
以興人材捐廉俸以郵孤寡嚴絕苞苴息事寧人
克如爰教振綱拔貢生有孝行

李兆蓮字亭少淮海兵備道士劭之孫孝廉僕之子
也生而敦厚質直不事虛幅讀書善強記康熙丁

酉貢於鄉

置祭田營祠堂與兄弟輩晨夕追隨于喁倡和嘗
自置其門云已甘身作田間叟不願人知爨下音
其樂天知命泰然自得如此子湛雍正甲辰舉人
勵志汲古寒暑不輟善書能詩爲文寢饋經史醇
厚得古大家風識者期以遠到秉賦羸弱享年不
永族黨惜之

李兆齡字仁遐號月巖永寧知縣伸子聰敏英豁以
諸生輸滇黔兵餉例敘知縣不卽赴選單心績學
垂二十年乃出選得福建之閩清閩俗刁悍健訟

高邑縣志

卷六 人物

无

或糾衆械鬪大吏累中厲禁不能革兆齡廉得大
猾捕其尤惡者置之法境內帖然嘗攝莆田縣事
諸生有游漆者以姦逼殺人論辟兆齡察其冤破
械出之他所定積年疑獄十餘案皆得其情大吏
知其能然性廉介峭直不肯上官意時或觸忤之
故在閩七年無論薦者決計歸絕口世故以課子
爲事所著有舒嘯閣詩集子渭淮湯泮冲澗自有
傳淮字桐原號石林沈靜古峭篤於學母梁鍾愛
特甚慮其以勤讀憊也恒禁之淮帷燈點誦不以

聞康熙甲午舉於鄉益自攻苦凡九經諸史以及
百家之說探源泝流手胝口沫雍正癸卯成進士
改庶吉士其救荒十策爲人傳誦惜通籍不二年
而卒年僅三十八滋字紫瀾雍正甲辰舉於鄉挑
選知縣初試齋東鋤猾吏清田賦民張持殺姦獄
具觀察使欲以謀財連坐其兄弟三人法堅執不
肯止坐持得減等不死尋攝青城調歷城東省號
爲彊幹吏以矢察諱盜事視職虧帑論死下歷城
獄齊東人斂貲代完兄渭亦以廉俸助償後遇赦

高邑縣志

卷六 人物

三

歸

李渭字萃涯號素園生而穎異博聞彊識以經世自
負康熙丁酉舉於鄉辛丑成進士初仕中書舍人
洊擢刑部主事授湖南岳州知府以事革職經上
官保題開復尋授四川嘉定知府爲政尤愼重刑
罰遇有冤抑雖上臺意指爭之必力曰吾官可棄
殺人媚人吾不爲也隄縣縣民某以姦殺成讞渭
閱獄訊得其誣立出之重慶水災主者不善撫民
將誹總督委渭往全活甚重丁父難服闋補河南

彰德府郡舊有萬金渠灌田千數百頃歲久湮廢
涓履訪得遺迹曰此地方大水利也具詳請濬倍
加支河建閘啟閉定各村分日用水程度勒碑記
之自是歲以有秋又捐俸建橋於豐樂鎮至今便
之乾隆八年擢山東鹽運使議者請增東運鹽引
下所司議涓以增引則商不能賠必增鹽價是商
民兩病也具詳鹺院據以入奏得寢十二年水災
奉委查勘至益都博興高苑樂安諸處被災甚民
食木皮草根且盡餓殍相枕藉涓據實飛報求賑
邑縣志

卷六 人物

三

時巡無已據他有司以不成災報難之涓堅請既
格於例乞以借作賑他日免追若將情形縷悉入
奏必蒙

聖恩俞允巡撫從之果得

報可次年遷山東按察使旋擢安徽布政使奏請禁革有

司徵糧長單差催之法以杜詭寄侵蝕之弊尋調

山東乞免鄰保代賠逃戶之累東省拋荒地巡撫

奏明清查召墾涓議定本主客民帶完舊欠之例

民多稱便報墾者衆涓臨事務持大體待人以誠

未嘗輕揭屬員而亦不爲姑息操守廉而好周人
急鄉里無負郭田舊居不蔽風雨不介意也於聲
色無所嗜妻沒時年未五十不再娶亦未嘗畜婢
妾所至官署擇旁屋數楹獨處其中聚書萬卷暇
卽披閱以自適年七十卒於官

許慶元字長仁明御史容之裔也爲邑諸生歲科試
輒冠其曹屢困場屋遂絕意功名雍正間從其戚
郭振翼宦雲南多所贊助振翼去官虧帑金千餘
稱債以抵而屬慶元爲留債慶元因留滇貿易

高邑縣志

卷六 人物

三

二十餘年悉清所負撤券歸報人咸服其古誼善
熊經鳥伸之術享壽耄耄步履如飛嘗舉孟子心
勿忘勿助長數語示人曰此坐功祕訣也柏鄉貢
士魏鯤以病求其術有效因從學焉而爲之傳

李經芳字堂綸號棣亭布政使涓之子幼失恃隨父
之任雖居華廡而深惡紈袴習讀書吟詩外無他
好乾隆庚午舉於鄉甲戌父沒於署扶襯歸里宦
臺蕭然竭力營葬家室屢空不善爲謀生計疏布

官安而已初仕福建永春州同知州人染漳泉械

鬪習餘風未殄適州牧公出經芳身親彈壓設法
曉諭積習少革擢陝西隴州知州時陝省早饑隴
右尤甚社倉貯穀鄉正鄉副司出納不均饑民譁
然經芳甫下車懲鄉正等周巡鄉僻按戶口開倉
賑貸然後詳請境內帖然全活無數癸巳歲鄰境
囑匪滋擾經芳飭諭鄉民密爲譏察互相守望軍
匪無敢犯隴界者調華州華關中首衝也時值軍
需考午夫馬殷繁經芳令各鄉長自置夫馬簿逐
日核記按給價值事具舉而民不擾焉擢戶部浙

高邑縣志

卷六 人物

三

江司員外郎尋授湖北施南知府施南三百鄰州
山徑崎嶇去省會二千里地瘠民疲士疎於學向
年學使者皆駐宜昌調考後學政吳至聞經芳振
興學校爲親臨郡考試施南素無選貢自是始拔
二人先是湖北因旱災辦賑失宜九府民紛紛上
控上官屬經芳審理不數月讞結公平無枉兼攝
漢黃德巡道事各府積案多委訊焉兩造亦俱以
得經芳訊爲幸也荊州江水漫溢各郡被水輕重
不一經芳奉檄查勘所至地方不擾撫輯得宜施

郡屬有親屬相盜者經芳已定擬詳臬臬司李改擬以大盜論經芳力爭不得後奉部駁仍以親屬相盜定案經芳因被議去官旋以雲南提舉司用行至昆明病卒橐無餘貲僚友經紀其喪歸里經芳爲人貌嚴性慈操持清介故所至以仁廉稱沒之後里居數椽不蔽風雨視初筮仕時依然故我也

李綿芳字葆芬號雪墅成安教諭雲麗孫孝廉湛子也性純孝幼孤每以不獲事父母爲恨年十三祖

高邑縣志

卷六 人物

三

雲麗沒鞠於繼祖母王卽知刻苦讀書旋補弟子員試輒冠軍乾隆癸酉拔貢以祖母王得風疾不赴廷試日夕侍湯藥不暫離後祖母病稍愈口不能言綿芳先意承志皆得歡心歷三年如一日祖母沒盡哀盡禮自是遂絕意進取居家恂恂兄弟宗族間惟以忍讓爲主至於興祠日修家乘身任其責不憚勞不惜費也訓子姪以勤儉讀書時手書前人格言使銘座右非公事未嘗一至公庭鄉

黨間或有事諮訪每藉一言爲重無不心折樂從

者乾隆戊戌歲重修儒學及縣志當事者稔其品
學舉以相屬居常手不釋卷間及岐黃術得經驗
方施以濟人無厭倦意卒年七十有二

高邑縣志

卷六 人物

七

高邑縣志卷七

列女

風化始於閨門故易稱坤順詩首關雎自昔賢母
令妻垂芳簡策者不一其人此中壘所以作傳而
范書踵之諸史遂沿爲體例也其在巨族世家素
嫻壺教烏頭表節彤管揚徽已至若僻壤寒門
村姑田婦平時日不知書亦能從容就義艱苦完
貞豈非秉彛懿德發於天性之自然與茲編援據
舊志復按年增輯旌表諸氏其力不能請旌
而貞節備著者亦博採鄉評以闡幽焉

高邑縣志

卷七

列女

一

唐

李舍母有淵識舍爲監察御史得廩米糧之三斛而
廩問之曰御史米不槩也問車庸有幾曰御史不
償也母怒勅歸餘米償其庸因切責舍舍乃劾倉
官自言狀諸御史聞之皆有慚色

元

氏孫仲祥妻仲祥世隸右衛旣妻荆生子守信甫
一歲而仲祥遠戍卒於軍樞至家荆氏大勵死而

復蘇者再耐葬致祭必以禮鞠育守信俾外就傳
督勵向學動以義訓發居三十餘年始終一操事
門詔表其門曰貞節之門

明

牛氏牛氏監察御史許容二妾也容疾革妻滑氏止
生一女其二子皆妾出滑謂妯娌曰子女俱幼我
生何益不若同死衆知其意跣步偵伺之滑度不
果乃斷髮以見志陳時年四十牛年二十七容疾
時知不起訂同死及容沒陳縊死三日後牛亦死

高邑縣志

卷七 列女

二

與容同穴葬洪武十七年有司奏聞旌其閭曰雙
節

胡氏郝善妻儲於田中途遇無賴子持刀逼逐欲私
之胡奮罵不受辱爲刀脊擊傷踉蹌走捷徑涉水
得免衣履沾濡歸白善圖報復善固孱懦畏其暴
不敢發胡不勝憤自縊死

王氏生員李懷信妻懷信卒時王年十九子甫八月
女二齡人咸難其守氏堅貞矢志孀居五十年如

一日

郭氏李時陽妻嘉靖癸丑曠寇竊發時陽以義勇從軍死之郭年二十餘僅一子上事舅姑下撫弱息飲冰茹蘗歷四十年無異志

郭氏李延齡妻芮城知縣顯宗女也延齡早卒郭方二十四歲遺腹生子遇春家貧食常乏或勸之改適郭輒涕泣自矢靡他日勤紡績以自給夜不能具燈坐暗室紡有倦者常自謂不如也處之四十年無困容年六十壽卒邑令致米帛復其家表其門稱完節焉

高邑縣志

卷七 列女

三

趙氏郭選妻贈太常少卿濱之女母恭人李素有志節訓女一知男不少姑息氏因嫻於禮法選亡年尚少言動不苟治家嚴肅孀居二十餘年直指疏闡旌其門曰貞節

岳氏郭樸妻少而孀居二子幼持躬甚嚴督二子曰汝曹卽不能讀書處名當務本業爲良農夫猶愈汝游惰辱我門二子悉遵其訓直指霍鎮奏聞旌表其節

高邑縣志

卷七 列女

梁文振妻年十五適文振二十六而寡窮慮其
難守也使人諷之張翦髮斷鼻自矢不二事翁克
全婦道撫孤子成立苦節二十三年乾隆二年

旌表

張氏牛如奎妻年十八適如奎二十四(易)孝養舅姑
無孤子善繼教督就學得入邑庠苦節四十一年
乾隆二年 旌表

呂氏胡熙祚妻年二十一子歸二十六夫故矢志守
貞事翁姑以孝撫孤子以恩茹茶食藜歷三十五

高邑縣志

卷七

列女

五

年乾隆二年 旌表

申氏王見禮妻年十七歸見禮十九寡家苦貧申立
志爲夫養翁姑苦若飴凡三十三年克完其節乾

隆二年 旌表

郭氏馬祥妻年二十三適祥二十八而寡子世效幼
舅姑在堂家無恒產衣食之資俱謀之十指卒能
養親鞠子後世效爲邑庠生苦節四十三年乾隆

二年 旌表

趙氏馮天明妻年十七適天明二十二寡矢志守貞

孝事姑孀延師訓子子瑞入泮苦節四十八年乾隆五年 旌表

程氏劉之德妻年十三適之德二十八寡孝事翁姑歷久無異守節四十八年乾隆五年 旌表

王氏席北院妻年十六于歸二十五夫亡爲夫養親持身潔謹安貧守志凡四十七年乾隆五年 旌表

牛氏廩膳生員平撰妻年十七適撰二十六撰卒勤儉持家詩書訓子艱貧矢節歷三十六年乾隆五

高邑縣志

卷七 列女

六

年 旌表

李氏張宏溫妻年十七適宏溫三載夫亡子朗甫二齡姑耄多病氏竭力侍奉克盡孝道訓子有方朗後爲邑庠生守節二十七年乾隆五年 旌表

董氏趙成龍妻年十八歸趙二十四而寡家貧氏紡績得值以事九旬舅姑夫弟三人皆幼弱俱撫之成立凡三十八年孝節無間乾隆五年 旌表

張氏郭天長妻年十五于歸二十三夫沒老姑在堂家貧竭力紡績以給養殮訓子成立守節四十三

年乾隆五年 旌表

褚氏劉之徵妻年十五于歸二十七寡事翁姑以孝
撫夫弟成立克勤克儉家範肅然守節四十四年

乾隆五年 旌表

焦氏故寺村李性善妻乾隆五年 旌表

事實失傳

李氏邑廩貢生候選縣丞滋大女也道晉州盧廷嶠

年十九夫亡矢志守貞撫嗣子松恩勤備至盧故
世族以避難僑居正定翁姑故後家益落無所賴
還依母家晝夜紡績以養母克盡孝道母年八十

高邑縣志

卷七 列女

七

餘以壽終而李年已六十矣流離辛苦歷四十餘
年族黨憐敬以其節婦而兼孝女為報明正定縣

於乾隆五年 旌表並顧本邑令闔庠公舉請入

高邑節孝祠

按李氏於晉州為節婦於高邑為孝女旌開享祀既在高邑例得附書

魏氏李思方妻栢鄉貢生考授州同魏澤沛之女也

年十九適思方二十一寡遺孤曾僅三月龜勉持

家拮据紡績侍奉舅姑生養死葬皆盡禮撫教子

孫讀書成立卒年五十有三守節三十二年乾隆

十三年 旌表

呂氏王階雲妻年二十三適雲階二十九寡子永翼甫二齡氏矢志自守孝學翁姑動循禮法教督孤子得入邑庠守節四十四年乾隆十五年旌表

崔氏李際泰妻年十八適際泰二十二夫亡氏仰事俯育孝慈兼至冰蘖自甘守節六十年乾隆十五年旌表

王氏孫文妻年十五歸文十九而寡勵志矢節改容毀粧勤紡績奉舅姑撫子尙志補邑庠生食餼守節七十五年乾隆二十二年旌表

高邑縣志

卷七 列女

八

牛氏西韓村楊來喜妻年二十二爲無賴楊二驢子所逼自縊而死乾隆二十四年旌表

宮氏雍正甲辰科舉人李湛妾湛沒官年二十七事翁姑先意承志得其歡心姑中風不能言宮伺意色爲調護衣不解帶者二載湛亡時踰月始生遺腹子績芳嫡子綿芳甫七齡官恩勤撫育無異視延師課讀不事姑息後綿芳癸酉拔貢績芳乙酉拔貢能世其家聲宮之力也守節五十八年乾隆

三十二年旌表

李氏李讓妻年十七逆讓二十六寡養翁姑撫孤子
辛苦備嘗守節三十二年乾隆三十五年旌表
董氏王天錫妻年二十二素性貞靜里有張凌彥者
游蕩子也伺天錫出董就睡推門入僞爲天錫來
者甫登牀董覺之驚起大呼凌彥奔逸董跡其爲
張凌彥也白夫使鳴於官遂投繯自盡時乾隆四
十年也卽於是年旌表

張氏平如均妻二十六歲夫亡生遺腹子發家貧無
升斗儲抱子紡績或謂之曰何不就食父母家氏

高邑縣志

卷七

列女

九

曰孀婦不出閨也苦節十餘年家業少興訓子成
立乾隆五十三年旌表現年七十八歲

貞女趙存姐新庄生員長緒次女也性聰慧六歲能
習女訓許字栢鄉魏氏涿州學正子二十三歲無
婚期一日媒氏傳魏語曰吾兒廢學遠遊久無耗
存否未可知恐誤君愛女終身別議配可也父母
秘其語不令聞貞女偵知之起居如故忽一夜共
續母曰可就寢矣女曰夜未深也言已從容入母

謂其寢矣而戶未闔呼之不應燭之則整容更衣

三纏其頸在櫟間矣時乾隆二十二年也

梁氏孫家莊員郭桂茂妻年二十五夫亡一女甫
周歲矢志守節姑老多病梁朝夕侍養飲食必嘗
以進及沒殯葬盡禮鄰里稱其節孝族中丁單無
可繼者晚始嗣一子守節三十八年卒年六十三
王氏孫家莊郭生芝妻年十九歸生芝二十七寡一
子在襁褓撫之成立家貧以女紅自給事舅姑能
孝舅姑沒凡附身附棺皆竭力爲之鄉黨歎服守
節三十五年卒年六十二

高邑縣志

卷七 列女

十

趙氏南關郭昃妻年十八于歸越歲而昃卒痛哭垂
絕欲以身殉姑諭以大義多方勸解乃矢志守貞
以代夫養舅沒與姑同寢室姑愛之如女家貧以
紡績佐甘旨姑沒營葬後卽得疾先是昃亡無子
以姪入繼未幾天至是夫弟又以第三子爲嗣趙
含淚言曰吾病已亟以不及撫成爲恨叔善養之
未亡人卽九原下當與而兄共感激也遂不起守
節三十九年

陳氏東梁家莊增生趙承先妻年二十八夫亡遺三

子皆幼嚴於訓督勤紡績寡言笑守節垂六十年
年八十九無疾而終三子先後俱入邑庠

申氏西堤村王振秀妻年二十一而寡夫無兄弟止
一小姑舅姑欲養婿爲子屢令氏改志將資其聘
財爲餬口計氏啼泣不從艱苦萬狀舅姑老氏朝
夕奉養孝思彌篤卒賴以送終鄉人稱其孝節守
節三十七年卒年五十八

趙氏東大營村李金良妻年十九而寡子茂方六月
矢志撫之成立年七十三以節終

高邑縣志

卷七 列女

七

袁氏牛家莊牛則仕妻年十七適則仕二十二寡守
節五十餘年卒年八十五

朱氏王同莊馬發宅妻年二十九孀居家酷貧夜紡
績以奉姑育子備嘗辛苦五十餘年卒年八十二

郭氏北焦村王洩妻洩卒時氏年二十二每欲死節
或勸以舅姑年邁乃延端以代夫養能得舅姑歡
心內外皆稱其貞孝夫兄弟各以一子入繼卒年

四十二

智氏西韓村楊冲霄妻年二十七夫亡遺孤三歲氏

立志撫成孝養翁姑守節四十八年卒

李氏馬村任大臨妻年二十七而寡二子幼氏教督撫養恩勤兼至長子瑄爲邑庠生守節四十八年卒年七十五

王氏馬村任大受妻年二十六而寡子方三歲矢志撫養孝事翁姑守節五十餘年卒年八十一

王氏韓家莊趙從雲妻年二十二夫亡四月始生遺腹子爲夫撫孤養親苦節垂六十年卒年八十一

連氏曹留村張崑繼妻崑卒時氏方二十一歲前妻

高邑縣志

卷七 列女

七

子甫三歲撫愛之如己出孝事舅姑舅姑殁竭力坐殯葬無不盡禮守節二十六年卒

王氏高家莊武生張璋繼妻娶方八月而璋病歿氏年二十一無子女或諷改之適氏曰婦人從一而終奈何以無禮逼我乎遂以姪宏聲爲後教育成人治家勤儉嚴肅產業漸裕守節五十餘年卒

王氏大張留村孫璽妻璽歿時氏年二十二遺孤未周歲氏日夜涕泣誓以身殉翁姑共勸之曰死節

易無孤難輕生無益孰若爲孫門延一綫嗣乎氏

從之遂立志守貞陞步一不踰閨闕後以疾卒

程氏萬城村郭儉妻年二十一而寡遺孤三歲舅姑在堂氏孝養備至撫子誦書入邑庠卒年六十五

趙氏南關王駟妻年二十一夫亡撫遺腹子未一歲而天孤苦零丁矢志不泯事翁姑以孝聞處妯娌間和睦無間紡績度日良糲茹荼安之若素守節六十二年卒

耿氏南關張茂妻年二十五夫亡子昌業方二歲撫養成人守節三十八年卒

高邑縣志

卷七

列女

三

畢氏北蒲底村生員張士義妻相夫勵學淡泊自甘年二十八而寡閉門紡績非至戚罕覩其面守節四十五年卒

智氏谷興莊王周妻年二十夫亡遺孤在腹及產矢志撫養事舅姑盡孝待娣姒以和里人咸敬服焉守節五十四現年七十四歲

李氏東梁家莊生員趙欽妻年二十六而寡事姑盡孝教養孤子軼倫讀書成立不墜家聲守節四十九年卒

高氏西堤村劉秋貴妻年十七于歸二十一夫亡子
方三歲遺腹舉一女令其姑以家貧欲令改適氏不
從因析居以苦之氏日夜紡績爲活忍饑寒食糠
粃猶時爲婉容愉色以慰翁姑不敢失婦道教養
子女黽勉爲畢婚嫁鄉里賢之守節四十六年
席氏西富村馮繼貞妻夫亡時年二十五立志撫孤
成立子緒補邑增生守節五十五年卒

羅氏南巖村耿志道妻年二十四而寡孝事舅姑遺

孤二齡撫養成立課之讀書入邑庠守節四十九

高邑縣志

卷七 列女

十四

年卒

柳氏牛家莊牛恂妻年十六適恂未半月夫亡誓不
改適孝事孀姑紡績以供甘旨守節五十九年卒
胡氏中韓村周郁文妻年二十五而寡安貧茹苦守
節四十餘年卒

耿氏中韓村生員王福彪妻年二十九夫亡事翁姑
以孝聞守節四十六年卒

暴氏張家莊滑煥妻年二十二夫亡矢志不渝守節

三十七年卒

楊氏方冊村胡燦妻年十七適燦甫三載夫亡無子
以族姪爲嗣勤紡績以事舅姑養生送死盡勞盡
禮守節五十八年卒

董氏趙村武生任克久妻夫亡氏年三十僅一子紹
瑀未周歲翁姑微諷之董誓不更適卒奉翁姑終
老教督幼子入泮守節五十一年現年八十一歲
柳氏前方冊村生員李伸妻年二十二孀居無子食
貧紡績以事舅姑撫嗣子守節五十三年卒

石氏寺家莊武生申佩妻年二十七夫亡立志不渝

高邑縣志

卷七 列女

七

事舅姑以孝稱以夫猶子爲嗣撫養成入延師課
讀守節四十五年卒

宋氏西塔塚村薄世譽妻年十五適世譽二十四而
寡事姑孝每食必視姑病侍湯藥晝夜不少息及
姑沒哀慟幾絕無子以猶子珍爲夫後令從師課
讀鞠育之恩倍於已出現年七十三歲

李氏西驛頭村白際泰妻年十七子歸二十四夫亡

遺腹生一子守節安貧孝事姑嫜現年七十餘歲

張氏東塔塚村梁信妻年二十九夫亡子福金尚幼

又生遺腹子福魁躬勤紡織撫孤成立清操勁節
歷四十年現六十九歲

趙氏西河頭村李格妻年十七歸格二十二而寡時
翁姑在堂止格一子旣歿貧老無依氏勵志守貞
辛勤侍養以婦而代子職族黨交稱其賢現年六
十八歲

郭氏古城村李琳妻年二十七琳亡子協義甫四歲
提攜幼子事嫡庶二姑各得歡心內外無間言姑
疾篤默禱於神願以身代病竟漸痊協義稍長擇

高邑縣志

卷七

列女

六

師訓讀早歲入邑庠現年六十六歲

劉氏小留村申慈妻年二十八夫沒遺孤二皆幼舅
姑年邁家貧無他生計挫鍼治繅以供甘旨諸艱
備嘗守節已三十八年現年六十六歲

凌氏南焦村蘇振國妻年二十一夫亡無子事翁姑
克盡孝道翁尋沒夜同姑宿姑憐之曰爾年幼無
依不如改適氏曰未亡人偷生視息方恨不能相
從地下若狗彘之行斷不爲也因撫從姪廣爲夫
後延師課讀現年六十四歲

平氏南塔塚村馮國用繼妻年十五結褵二十二而寡貧甚饔飧不給其母私詢之曰兒饑寒至此盍圖變計乎氏愠曰母不知兒是以禽獸目兒也母知其意決不敢更言事翁姑以孝撫子孫以慈勤儉持家門庭雍穆現年六十三歲

李氏趙村時豐妻年十七歸時豐二十四夫亡無子家無生計氏矢志苦守撫族姪爲嗣翁始有疾屢禱願以身代族黨稱其貞孝無間言現年六十三歲

高邑縣志

卷七 列女

秦氏王同莊馬宗禹妻年二十二夫亡初茹在堂竭力侍奉無子女撫姪爲嗣守節已三十九年現年六十一歲

焦氏王梁莊王延印妻年二十三而寡一子年三歲氏上奉孀姑下撫弱息營營日子立難苦高壽子年十四而夭遺媳許氏相敬終日矢志靡他現年六十一歲

崔氏陳家莊周綿智妻年十四歸甫五月夫亡無子撫姪策爲嗣矢志守節

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

漢書卷之七十七

卷之七十七

七

而本七邑人多尚之從道題其要言但食不
荒祥區水不饑不老如世傳世見之三百餘年
取書卷得之取而服之不能終歲即止時復
將復書術也

漢時其時縣尚名鄗不名高邑或經後人改益
字何未可知也陳振孫書錄解題亦疑是書非
出向撰且漢志載劉向六十七篇無列仙傳之
自然此書流傳最古葛洪神仙傳已引之疑魏

晉間方士所依託云

唐

徐神翁修元默得長生術飛昇成仙德宗時大水至
徐家莊鄉人恐爲患神翁以筆點水水從村旁流
出遺水成渠號黑水灣插筆於地因成樹其枝幹
多似筆形因呼爲水筆樹人慕竒往觀者塞途填
陷鄉人惡其害稼遂毀樹今有神翁廟至宋高宗
爲康王時神翁與之遊贈詩曰牡蠣灘頭一艇橫
夕陽西下待潮生與君不負登臨約同上金鰲背
高邑縣志

卷七 仙釋

九

上行殊未悟其指後南渡航海日方夕潮淺舟閣
於灘間之曰牡蠣灘也因起步山上問何山曰金
鰲山始恍然憶神翁詩語及諦視石壁則神翁題
詩在焉墨跡尚濕

金

馬閉村李氏女大定二年爲宋建炎三十二年清明
日女羣相與戲鞦韆忽大風乘之而去衆咸驚愕
乃跡至贊皇孤山頂古右堂之左則立化焉視柱
上有赤書水滸二字昇歸於家祀之因號水滸仙

故明成化中始卽其家建廟威神所懾雞犬不敢
近今家廟所馨香而尸視者猶是當年化身也每
亢旱祈雨輒應遠近鄰邑自令長紳士以及黃冠
緇流皆禱祀惟謹云栢鄉進士魏裔訥有水滄仙
姑事蹟序

按女立化處名鶴仙洞見魏文毅公崑

本朝

釋大造化邱村人闕姓旣授室中年棄去祝髮於正
定之開元寺適寺塔圯下有石匣載偈云塔倒修

高邑縣志

卷七

仙釋

辛

塔還是塔憬然有悟遂併心一志誓修茲塔每募
緣輒呼大造化人因以名之及塔成入五臺山證
善果嘗燃燈於身至三十餘盞不笑不癢兩耳各
墜銅環徑尺許號佛時則手摩其環後飛錫而南
不知所終

